

Regulativ dil Cussegl pastoral dallas pleivs catolicas-romanas dalla vischnaunca politica Breil/Brigels



Cuntegn:

I.	Remarca preliminara, num ed intent	3
Art 1	Remarca preliminara	3
Art 2	Num	3
Art 3	Intent e finamiras.....	3
II.	Organisaziun.....	3
Art 4	Organisaziun dil cussegl pastoral.....	3
III.	Cussegl pastoral.....	3
Art 5	Commembers	3
Art 6	Perioda d'uffeci	4
Art 7	Demissiun	4
Art 8	Constituziun	4
Art 9	Pensums e cumpetenzas	4
Art 10	Sedutas.....	4
Art 11	Invitaziun.....	5
Art 12	Cumpetenzza da decider	5
Art 13	Elecziuns e votaziuns.....	5
Art 14	Protocol.....	5
Art 15	Indemnisaziun dils commembers	5
IV.	Giunta dil cussegl pastoral	5
Art 16	Commembers	5
Art 17	Pensums e cumpetenzas	6
Art 18	Sedutas.....	6
Art 19	Invitaziun.....	6
Art 20	Cumpetenzza da decider	6
Art 21	Votaziuns	6
V.	Secturs	6
Art 22	General	6
Art 23	Sectur „LITURGIA“	7
Art 24	Sectur „DIACONIA“	7
Art 25	Sectur „ANNUNZIAZIUN“	7
Art 26	Sectur „CUMINONZA“	8
Art 27	Sedutas dils singuls secturs	8
Art 28	Menader dils secturs	8
VI.	Finanzas	9
Art 29	Preventiv	9
Art 30	Rendaquen	9
VII.	Determinaziuns finalas.....	9
Art 31	Entrada en vigur.....	9
Art 32	Midadas dil regulativ	9

I. Remarca preliminara, num ed intent

Art 1 Remarca preliminara

Tenor Art 4.3 dil statut general per cussegls parochials digl uestgiu da Cuera san pliras pleivs colligiadas en in circuit pastoral ereger comunablamein in cussegl parochial.

Art 2 Num

Las pleivs catolicas-romanas dalla vischnaunca politica Breil/Brigels (tenor dretg canonic), ch'ei colligiadas en in circuit pastoral cun in plevon, eregian comunablamein in cussegl parochial e numnan quel „**cussegl pastoral**.“

Art 3 Intent e finamiras

¹ Il cussegl pastoral ei in organ ecclesiastic, el qual parochianas e parochians s'engaschan per ina stretga collaboraziun denter las pleivs.

² Il cussegl pastoral collaborescha cul plevon e cusseglija quel en tuts fatgs da pastoraziun ed organisaziun parochiala. Ils commembers dalla gruppja s'occupeschan - mintgin e mintgina tenor ses duns - cun in ni plirs dils quater pensums fundamentals dalla Baselgia e lavur pastorala. Quels pensums ein:

- > Liturgia
- > Annunziaziun
- > Diaconia
- > Cuminonza

II. Organisaziun

Art 4 Organisaziun dil cussegl pastoral

Il cussegl pastoral ei organisaus suandontamein:

- a) Cussegl pastoral
- b) Giunta dil cussegl pastoral
- c) Secturs

III. Cussegl pastoral

Art 5 Commembers

¹ Il cussegl pastoral cumpeglija 11-16 commembers.

² Il cussegl pastoral secumpona ord ils suandonts commembers: (11-16 commembers)

- a) Commembers d'uffeci: (3-4 commembers)
 - il plevon ni il responsabel per la pastoraziun,
 - la persuna dil post pastoral ni assistentA pastoralA,
 - inA catechetA
 - in delegau / ina delegada che representa la suprastanza da pleiv.
- b) Commembers eligi dalla radunonza da pleiv (2-3 persunas da mintga pleiv) = 8-12 commembers)

³ Dretg da vegnir proponius ha scadinA parochianA da sedisch onns ensi.

Art 6 Perioda d'uffeci

La perioda d'uffeci cuoza dus onns. Ina reelecziun ei adina pussevla.

Art 7 Demissiun

La demissiun d'in commember dil cussegl pastoral succeda per mauns dalla presidentA. La demissiun sto vegnir inoltrada sin la fin digl onn calendaric e va en vigur sin la radunonza generala.

Art 8 Constituziun

Il cussegl pastoral seconstituescha sesez - per regla mintgamai suenter la radunonza generala dalla pleiv.

Art 9 Pensums e cumpetenzas

- a) Elecziun dil president
- b) Elecziun d'in actuarA
- c) Approbaziun dils protocols dallas sedutas dil cussegl pastoral
- d) Eleger ils menaders dils secturs da lavur
- e) Coordinaziun dallas gruppas dils differents secturs
- f) Preparaziun ed approbaziun dil program digl onn
- g) Approbaziun dil rapport annual per mauns dalla radunonza generala da pleiv

Art 10 Sedutas

¹ Il cussegl pastoral seraduna silmeins duas gadas ad onn.

² Sedutas san era vegnir convocadas sche

- a) la giunta dil cussegl pastoral giavischa ina tala,
- b) minimum 1/3 dils commembers dil cussegl pastoral pretendan ina tala.

³ Da mintga seduta dil cussegl pastoral vegn menau in protocol.

Art 11 Invitaziun

L'invitaziun succeda a scret cun comunicar las tractandas e quei silmeins 14 dis avon la seduta.

Art 12 Cumpetenzza da decider

Il cussegl pastoral sa decider sche minimum la mesadad dils commembers ein presents.

Art 13 Elecziuns e votaziuns

¹ Las elecziuns e las votaziuns vegnan pridas cun maun pli.

² Sin giavisch d'in u plirs presents ston votaziuns vegnir menadas atras cun scrutini.

Art 14 Protocol

Igl actuarA ei responsabels pil protocol dallas sedutas dil cussegl pastoral. Sche tala persuna ei buca presenta elegia il cussegl pastoral in actuarA ad hoc.

Art 15 Indemnisaziun dils commembers

L'indemnisaziun vegn fixada dalla suprastonza da pleiv en in corrispudent regulativ.

IV. Giunta dil cussegl pastoral

Art 16 Commembers

La giunta dil cussegl pastoral secumpona ord ils suandonts 4 commembers:

- a) il / la presidentA dil cussegl pastoral,
- b) il plevon ni il responsabel per la pastoraziun,
- c) la persuna dil post pastoral ni assistentA pastoralA
- d) actuarA

Art 17 Pensums e cumpetenzas

- a) La giunta dil cussegl pastoral
- > prepara las sedutas dil cussegl pastoral
 - > procura ch'ils conclus dil cussegl pastoral vegnan realisai
 - > decida en caussas che pretendan in spert conclus
 - > survigilescha las gruppas dils secturs e segida cun quellas
 - > intervegn en situaziuns problematicas
 - > redegia il rapport annual per mauns dil cussegl pastoral
- b) Il / la presidentA
- > envida allas sedutas dil cussegl pastoral sco era allas sedutas dalla giunta
 - > meina las sedutas dil cussegl pastoral e dalla giunta

Art 18 Sedutas

¹ La giunta dil cussegl pastoral seraduna tenor basegns.

² Ina seduta sa plinavon vegnir convocada da mintga commember dalla giunta.

Art 19 Invitaziun

L'invitaziun allas sedutas ordinarias succeda a scret cun comunicar las tractandas e quei silmeins 10 dis avon la seduta.

Art 20 Cumpetenzas da decider

La giunta dil cussegl pastoral sa decider mo sche tut ils commembers ein presents.

Art 21 Votaziuns

Las votaziuns vegnan pridas cun maun pli.

V. Secturs

Art 22 General

¹ En vesta dils differents pensums ch'ina pleiv sto ademplir el temps dad oz, secumpona il cussegl pastoral da quater gruppas - secturs da lavur - che corrispundan allas quater funcziuns elementaras da Baselia e lavur pastorala. (tenor Art 3 ²)

² **Gruppas da lavur:** Als singuls secturs stattan pliras gruppas da lavur a disposiziun. Quellas gruppas secumponan da persunas che ein buc exnum era commembras dil cussegl pastoral. Da talas gruppas da lavur vegn menau ina gliesta sco annexa.

Art 23 Sector „LITURGIA“

Sut l'expressiun '*liturgia*' capeschan ins rituals per ludar Diu e per profundar la cardientscha. La liturgia cumpeggia tuttas fuormas da survetsch divin, oraziun e cant, simbols, sacraments e benedicziuns, sco era vestgius ed utensils che vegnan duvrai el survetsch divin.

Pensums pil sector liturgia:

- > Sustegn dil plevon en damondas e giavischs che pertuccan la liturgia.
- > Organisaziun ed accumpignament dil survetsch da lecturs e gidontras che partan ora la communion.
- > Tgira dil cant baselgia.
- > L'organisaziun e preparaziun da survetschs divins preeucaristics.
- > Agid en l'organisaziun e coordinaziun dalla liturgia ellas pleivs. (cu ei nua tgei survetsch divin?)
- > La recrutaziun da glieud pils differents pensums che pertuccan la liturgia.
- > Promoziun da fuormas d'ina liturgia che risguardan ils segns dil temps ed ils basegns dils parochians.
- > responsabladad pil survetsch divin dil Plaid

Art 24 Sector „DIACONIA“

Il plaid '*diaconia*' deriva dil lungatg grec e munta „survir“. Sut diaconia capeschan ins tut ils aspects dil survetsch al concarstgaun che schabegian en connex cun la Baselgia. Las vertids cristianas dalla diaconia semuossan en solidaritad, cumpassiun, agid spontan e.a.v.

Pensums pil sector diaconia:

- > Fixar el program annual accents che dattan peisa alla diaconia.
- > Organisaziun dall'uncziun dils malsauns ed attempai, ev. cumbinau cun ina sentupada.
- > Organisaziun dallas dumengias da suppa.
- > Organisaziun dalla unfrenda da Cureisma.
- > Visetas dils malsauns a casa, en spital ed en casa da vegls.
- > La communion a casa.
- > Retscheiver las baras ed accumpignar quellas en stiva da bara

Art 25 Sector „ANNUNZIAZIUN“

Il cristianissem capescha sut '*annunziaziun*' il far paleis igl evangeli da Jesus Cristus, pia sia nuviala, sia veta e missiun. La fuorma classica schabegia entras il priedi resp. la meditaziun el survetsch divin, denton era en la catechesa e scolaziun da carschi.

Pensums pil sector annunziasiun:

- L'organisaziun ed igl accumpignament dil survetsch da ministratAs
- > Organisaziun da cuors e scolaziun per carschi.
- > Ligiom tier la catechesa.
- > Redacziun dil Fegl parochial.
- > Buna informaziun e comunicaziun (p.ex. tablas d'informaziun, eveniments specials, internet)
- > Accumpignament da geniturs che laian battegiar ils affons.

Art 26 Sector „CUMINONZA”

Ina cuminonza ligia ils carstgauns in cun l'auter, ella dat ina certa identitad. Negin sa esser cristianA mo per sesez, igl esser Baselgia sebase sin la cuminonza. Gia Jesus ei buca viandaus persuls, el ha naven dall'entschatta da sia missiun rimnau giuvnals. Suandar Jesus e baghegiar vid il Reginavel da Diu ei perquei pusseivel mo da cuminonza.

Pensums pil sector cuminonza:

- > Agid tier la tgira dils usits e dallas tradiziuns localas.
- > Organisaziun da pelegrinadis.
- > Organisaziun dad aperitivs.
- > Contact e coordinaziun cun las uniuns.
- > Contact e collaboraziun cun il cussegl pastoral regional e cantunal.

Art 27 Sedutas dils singuls secturs

¹ Ils singuls secturs dil cussegl pastoral seradunan tenor basegns.

² Per l'invitaziun e las tractandas ei il menader dil sector responsabels.

Art 28 Menader dils secturs

Ils menaders per mintga sector vegnan eligi dil cussegl pastoral. (mira Art 8 c)

Funcziun / pensum dil menader

- > Envida ils commembers dil sector allas sesidas e presidescha quellas.
- > Ei responsabels ch'ils pensums digl agen sector vegnan exequi.

VI. Finanzas

Art 29 Preventiv

¹ Per cuvierer ils basegns finanziaals concedan las pleivs al cussegl pastoral in preventiv annual, il qual vegn fixaus mintgamai entras la suprastonza da pleiv.

² Per acziuns spontanas che survargan quei preventiv sa la suprastonzas da pleiv conceder in credit supplementar.

Art 30 Rendaquen

L'administraziun sco era la survigilanza dil preventiv e rendaquen succeda entras la suprastonza da pleiv.

VII. Determinaziuns finalas

Art 31 Entrada en vigur

Quest regulativ entra en vigur cun l'approbaziun dalla radunonza generala da pleiv suenter haver consultau il plevon ni il responsabel per la pastoraziun sco era suenter haver consultau il cussegl pastoral.

Art 32 Midadas dil regulativ


Il regulativ sa vegnir midaus sin proposta dil plevon, dil cussegl pastoral ni sin proposta dalla suprastonza da pleiv. L'approbaziun succeda entras la radunonza generala da pleiv.

Per la Pleiv catolica-romana Breil/Brigels

7165 Breil, 04.05.2019, midau 01.06.2020
(art.23 e 25)



Sur Sajan
Plevon



Sep Cathomas
President da suprastonza



Patricia Derungs
Presidenta dil cussegl pastoral



Marcellino Flury
Actuar da suprastonza